

道門科範大全卷之十九

金

廣成先生杜光庭剛定

文昌注祿拜章道場儀

啓壇行道

法事陞壇如式

都講舉各禮師存念如法

高功宣衛靈呪

五星列照 煥明五方 水星却災 木德致昌

英威消禍 太白辟兵 鎮星四據 家國利亨

名刊玉簡 字錄帝房 乘輿散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁 與道合真

鳴法鼓二十四通

高功發爐

無上三天玄元始三炁太上道君太上老君

召出臣等身中三五功曹左右官使者左右

捧香驛龍騎吏侍香金童傳言散花玉女五

帝直符直日香官各三十六人出出者嚴裝

顯服冠帶垂纓關啓玄壇土地方域神真臣

今靜夜陞壇行道謹奏為入意其諸忱悃已

錄告聞額得

太上十方至真道炁靈寶瑞光下降流入臣

身中今臣所啓之誠速達徑御

至真元極大道

三清上聖

昊天玉皇上帝 御前

請稱法位

具位臣某與臨壇官衆等謹同誠上啓

太上虛無自然元始天尊九次君九天上帝三

十六大天帝三十二天天帝諸天上帝紫微

太微垣帝座星君五帝三元上真三十六部

等經玄中大法師十一大曜星君北斗南辰

星君二十八宿星君東壁文章星君七星賢

良真君十二宮神真君文昌星君三台星君

進賢星君少衆星真君圓宮星宿真君上清

太微南朱文昌真人太上九氣文昌宮仙官

建生星斗真君青城山九天丈人真君潛山

九天司命真君廬山九天採訪使者真君五

嶽聖帝四瀆源王司祿主者職貢舉真君英

顯武烈忠祐廣濟王貢舉掌籍考校官屬道

德應感一切真靈臣等今故燒香願以是功

德上為宗廟先靈天子王侯土地寮屬經籍

度師隱居山林巖棲學真之士同學之人雖

官某等家德曾萬祖父母師長九親姻族天

下人民飛行蠢動一切衆生今故燒香皈身

皈神皈命

太上十方靈寶自然至真元極大道惟乞原

赦前世今生生死宿對重過得免離三惡五

道十苦八難九厄之中願臣等心智開明凡

所云為永與道合所啓靈感上御

至真元極道前

唱方 懺方

臣法衆等志心皈身皈神皈命

十方元極大道太上靈寶天尊以今建壇焚

香懺悔臣聞率性為道本無愚智之殊因物

而遷斯有聖凡之別儻改過而不憚則入道

以何難以今醮官某等爰從歷生至于今日

有高明之智而為物所蔽有玄虛之體而為

情所昏一性不能存存五官從而擾擾惡因

以積善益以做事親不誠制行不果昧清心

而應物無縱欲以恣情文過飾非見利忘義以刻薄之行而背師訓以褊淺之見而謗真風意循回邪行多隱僻蔽人之善而揚人之惡護己之短而矜己之長詭嬖真靈凌蔑長上辱人求勝逞志作威稔三業之愆積六根之罪或錄於三官九府或書於五帝四司今則啓靈寶之仙科駐行宮於淨宇對列聖而懺謝體妙道以操修伏願衆聖垂慈洪恩普宥削咎愆於既往斷惡果於將來洗身器而一新復性根之無染開發群心之用恪奉三寶之尊小臣之關奏感通難者之祈求必獲恩均動植福遍幽冥臣等稽首禮謝無上至真三寶

三禮
重稱法位

具位臣某等謹同誠上啓
洞真自然元始天尊洞玄大道玉宸道君洞神大道混元老君昊天玉皇上帝南極天皇大帝北極紫微大帝后土皇地祇一切明皇道君七曲山司祿主者職貢舉真君主掌柱

籍侍從官屬一切感靈巨闡妙道無名泊乎天地之始強名曰大泛乎品物之歸為之始則周流而不見其終為之歸則作成而各遂其性帝運希夷之道神贊生成之權沐上帝之陶甄亦明神之輔相此兩儀所以有不宰之德而明神所以立裁成之功難官某等叨大帝之生成荷明神之化育磨礪純質斷削庸材欽承造物之洪鈞導迎威靈之數佑夙開壇席仰格高真仗玄門祭酒之官致寸心願仕之懇況奉精款敢不上聞爰有心誠謹當宣奏

宣詞

諦觀詞語均見誠衷方法想於靈壇諒潛通於真域壇馥達心香之香雲縹緲仙仗之臨森寶座於淨筵散玉花於靈境思惟

三清上聖十極高尊玄中大法師靈寶至真俯賜矜憐誕垂昭應勅監察曹屬侍經威神里域真官城隍社令同心協德營衛壇場肅清內外滌蕩妖魔使臣等氣定神凝思念主感啓奏上達齋功克諧臣等誠惶誠恐頓首

再拜謹啓以聞

舉十二願

舉存神燒香

高功復爐

香官使者左右龍虎君侍香諸靈官當今臣向來靜夜行道之所自然生金液丹碧芝英百靈衆真交會在此香大爐前當願十方仙童玉女接侍蘭筵傳臣向來所啓之誠速達徑御

至真元極大道

三清上聖

昊天玉皇上帝 御前

知磬舉出堂頌 出戶

引至六幕堂

道門科範大全集卷之十九